

ԼՐԱԳԻՐ#4

ԼՐԱԳԻՐ#4

2016 օգոստոս

Չինաստանում հայ հետազոտողների եվ ոսանողների երրորդ առցանց գիտաժողով

ՉինաՅայը կազմակերպեց դրամահավաք՝ նվիրված Արցախին

*Մենք հիշում ենք
և պահանջում*

Չինաստանում տեղի ունեցան Յայոց ցեղասպանության տարելիցի հիշատակմանը նվիրված միջոցառումներ

Չենչեն Վանգը ՉինաՅայ-ՅԱՅ համատեղ հայտարարած կրթաթոշակի մրցույթի հաղթողն է

Յայարտ եմ, որ
ՉինաՅայ եմ

ՉինաՅայի անդամները պատմում են Չինաստանում իրենց կյանքի ու պատկերացումների մասին

Ներկայացնելով Յայաստանն արվեստի միջոցով

Ցուցահանդես Պեկինում
Սևադա Գրիգորյան և Ալեքսանդր Դերոյան

*Դաշնամուրային դասական
համերգ Չինաստանում*
Միքայել Յայրապետյան

www.Chinahay.com
Խմբագիր՝ Անահիտ Պարզյան



Չինաստանի Յայկական համայնք

Ջեք և Ջուլի Մաքսյանի Յոնկոնգի հայկական կենտրոն 11/հ, շենք A, Թոնիք
Ինդաստրիալ Կենտրոն, 26 Քայ Չուենգ փողոց, Կոուլուն Բեյ, Կոուլուն

ChinaHAY

The Armenian Community of China
亚美尼亚人在华社团

ՉԻՆԱՍՏԱՆՈՒՄ ՅԱՅ ՀԵՏԱԳՈՏՈՂՆԵՐԻ ԵՒ ՈՒՍԱՆՈՂՆԵՐԻ III-ՐԴ ԱՌՑԱՆՑ ԳԻՏԱԺՈՂՈՎ



Գիտաժողովի նպատակները

Չինական բուհերում վերջին տարիների ընթացքում աճել է հայ գիտական մտքի ներկայությունը:

2014թ.-ին տեղի ունեցավ «Չինաստանում Հայ հետազոտողների և ուսանողների I-ին գիտաժողովը», որի շնորհիվ միավորվեցին Չինաստանի տարբեր քաղաքներում գտնվող հայ ուսանողներն ու հետազոտողները: Գիտաժողովի արդյունքում կապ ստեղծվեց նրանց միջև, կազմավորվեց հայ չինագետների թիմը, որը Չինաստանում և այլ երկրներում մասնակցում է գիտական միջոցառումներին, ներկայացնում է հայկական գիտական միտքը: Գիտաժողովին ներկայացված հետաքրքիր աշխատանքները տպագրվեցին: Գիտաժողովը մեծ հետաքրքրություն առաջացրեց, թե՛ Հայաստանում, թե՛ սփյուռքում, լուսաբանվեց լրատվամիջոցների կողմից:


2015թ. նոյեմբերի 29-ին տեղի ունեցավ «Չինաստանում Հայ հետազոտողների և ուսանողների II-րդ գիտաժողովը», որը յուրահատուկ հարթակ տրամադրեց Չինաստանում գտնվող հայ ուսանողներին ու հետազոտողներին՝ ներկայացնելու իրենց գիտական աշխատանքներն ու մտքերը, կապ հաստատեց նորեկների ու Չինաստանում արդեն երկար տարիներ գիտական աշխատանք կատարողների միջև:

2016թ. նոյեմբերի 27-ին տեղի կունենա արդեն ավանդական դարձած «Չինաստանում Հայ հետազոտողների և ուսանողների III-րդ գիտաժողովը», որը կշարունակի համախմբել Չինաստանում առկա գիտական միտքը, կապ կհաստատի փորձառու հետազոտողների և ուսանողների միջև:

Գիտաժողովի մասնակցության պայմանները

Գիտաժողովին կարող են մասնակցել ներկայումս Չինաստանում գիտական աշխատանք կատարող, սովորող հայ ուսանողներն ու հետազոտողները: Գիտաժողովը կանցկացվի օնլայն տարբերակով, որպեսզի միավորի Չինաստանի տարբեր քաղաքներում գտնվող հայերին:

Գիտաժողովին մասնակցելու համար կարելի է ներկայացնել գիտական հոդվածներ, մագիստրոսական, թեկնածուական թեզերի շուրջ աշխատանքներ, վերլուծական աշխատանքներ: Աշխատանքային լեզուն՝ հայերեն, անգլերեն, ռուսերեն, չինարեն: Աշխատանքների արստրակտները պետք է լինեն 300-ից 1000 բառ: Յուրաքանչյուր մասնակից հետազոտությունը ներկայացնելու, հարց ու պատասխանի համար կունենա 10 րոպե: Հոդվածը ներկայացվում է A4 ձևաչափի թղթի վրա՝ էլեկտրոնային տարբերակով, տառատեսակը՝ հայերենի անգլերենի և ռուսերենի համար՝ “Sylfaen”, տողերի միջև հեռավորությունը՝ 1,5, տառաչափը՝ 12, միայն վերնագիրը՝ 14 տառաչափով: Նշել հեղինակի անունը, ազգանունը, բուհը: Աշխատանքներն ուղարկել, ինչպես նաև հարցերի դեպքում գրել sahakyanmher@outlook.com էլ. հասցեին: Աշխատանքների արստրակտների ներկայացման վերջնաժամկետն է նոյեմբերի 20-ը: Գիտաժողովը տեղի կունենա նոյեմբերի 27-ին Պեկինի ժամանակով՝ 21:00: Հաստատված մասնակիցները կտեղեկացվեն գիտաժողովի օնլայն ձևաչափի մանրամասներին: Գիտաժողովին որպես դիտորդ մասնակցելու մանրամասներին կարելի է ծանոթանալ՝ գրելով contact@chinahay.com էլ. հասցեին:



ՄԵՆՔ ԶԻՇՈՒՄ ԵՆՔ ԵՎ ՊԱՅԱՆՁՈՒՄ



ՉԻՆԱՍՏԱՆԻ ԶԱՅԿԱԿԱՆ ԶԱՄԱՅՆՔԸ ՑԵՂԱՍՊԱՆՈՒԹԱՆ 101-րդ
ՏԱՐԵԼԻՑԻՆ ՆԿԻՐԿԱԾ ՄԻՋՈՑԱՌՈՒՄՆԵՐ ԱՆՑԿԱՑՐԵՑ
ՉԻՆԱՍՏԱՆԻ ՄԻ ԾԱՐՔ ՔԱՂԱՔՆԵՐՈՒՄ



Չինաստանի Չայկական համայնքը ծանհայում



Չինաստանի Չայկական համայնքը Յոնկոնգում



Չինաստանի Չայկական համայնքը Գուանգչոում



Չինաստանում ՀՀ դեսպանատուն

Չինաստանի Չայկական համայնքը Հայոց ցեղասպանության հիշատակմանը նվիրված ամենամյա միջոցառում է անցկացնում: Ամեն տարի, ապրիլի 24-ին Չինաստանի տարբեր նահանգներում հայերը հավաքվում են հարգելու անմեղ զոհերի հիշատակը և փաստելու, որ հայն իր հարուստ մշակութային ժառանգությամբ շարունակելու է ապրել և երբեք չի մոռանալու այն, ինչ պատահեց: Այս տարի հավաքներ տեղի ունեցան ծանհայում, Պեկինում, Յոնկոնգում և Գուանգչոում:

Հայ ուսանողուհի, Չինահայի անդամ Անի Գրիգորյանն իր՝ «Ես 1.5 միլիոնն եմ» ֆոտոշարքում ներկայացնում է իր նախնիների պատմությունը: Սրանով նա ուզում է ներկայացնել և տարածել ճշմարտությունը՝ հետագայում ցեղասպանությունները համայն աշխարհում կանխարգելելու նպատակով:



ՉԻՆԱՏՈՒՅԻ ՕԳՆՈՒԹՅՈՒՆՆ ԱՐՑԱԽԻՆ



Չինաստանի Հայկական համայնքն Արցախին օժանդակելու համար դրամահավաք կազմակերպեց, որի արդյունքում հավաքված գումարը փոխանցվեց Արցախի կառավարության կողմից հաստատված հաշվեհամարին: Դրամահավաքն անցկացվեց առցանց եղանակով, որին ակտիվորեն մասնակցեցին Չինաստանում սովորող հայ ուսանողներն ու համայնքի անդամները: Չինաստանում Հայկական համայնքի նախագահ Միեր Սահակյանը կոչով դիմեց համայնքին. <<Հարգելի՛ Չինաստանի Հայկական համայնք, երեք տարի է, ինչ ակտիվ գործում է մեր երիտասարդ ու եռանդուն կազմակերպությունը: Այս ընթացքում մենք բոլորս միասին փորձել ենք մեր ներդրումը բերել Հայապահպանության գործում, ապրել ենք Հայրենիքով ու Հայությանը հուզող հարցերով: 2015թ. ապրիլին մեր ձայնը բարձրացրեցինք հանուն Հայոց ցեղասպանության ճանաչմանը: Հիմա Հայրենիքը նորից մեր օգնության կարիքն ունի: Կոչ եմ անում ակտիվորեն մասնակցել Արցախի համար կազմակերպված այս դրամահավաքին: Այն նպատակ ունի հումանիտար օգնություն ցուցաբերել պատերազմական գործողությունների պատճառով ծանր կացության մեջ հայտնված մեր քաջ եղբայրներին ու քույրերին: Օգնելով Արցախին՝ մեր ներդրումը կկատարենք Հայրենիքի պաշտպանության գործում: Սա հստակ ազդանշան կլինի, որ նրանք մենակ չեն և մենք պատրաստ ենք օգնել հնարավոր միջոցներով: Դրամահավաքի արդյունքում առաջացած գումարը

Չինաստանի Հայկական համայնքի անունից կփոխանցվի Արցախի կառավարությանը, քանի որ նրանք են գտնվում մարտական գործողությունների կիզակետում և հստակ գիտեն, թե ինչ է անհրաժեշտ Արցախի հայությանը:>>

Դրամահավաքի ակտիվ մասնակիցներից Նարինե Սարգսյանը նշեց. <<Գտնվելով Հայրենիքից հեռու՝ մենք կիսում ենք Արցախում գտնվող հայրենակիցների ցավը: Այս դրամահավաքը մեր միասնականության խորհրդանիշն է >>:



ՉԻՆԱՐԱՅԸ՝ ՄՇԱԿՈՒՅԹԻ ՄԻՋՈՑՈՎ

ՀԱՅԿԱԿԱՆ ԴԱՍԱԿԱՆ ԵՐԱԺՏՈՒԹՅԱՆ ԵՐԵԿՈ ՉԻՆԱՍՏԱՆՈՒՄ

2016 թ. մայիսի 13-ին Չինաստանի Թիանջին քաղաքում տեղի ունեցավ հայկական դասական երաժշտության համերգ: Հանդիսատեսին ներկայացվեցին Կոմիտասի, Սպենդիարյանի, Խաչատրյանի, Բաղդասարյանի, Բաբաջանյանի և Ստեփանյանի ստեղծագործությունները:

Համերգի ընթացքում «Հայաստանի գաղտնիքներ» նախագծի ղեկավար Ե. Չինաստանի Հայկական համայնքի գործադիր մարմնի ներկայացուցիչ Միքայել Հայրապետյանը առաջին անգամ ներկայացրեց 20-րդ դարի նշանավոր երգահան Արո Ստեփանյանի ստեղծագործությունները: Համերգի կազմակերպիչներն էին Միքայել Հայրապետյանի «Հայաստանի գաղտնիքներ» նախագիծն ու Չինաստանի Հայկական համայնքը:



ՉԻՆԱՐԱՅԻ ՆԿԱՐԻՉՆԵՐԸ՝ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆԿԱՏՈՒԹՅԱՆ 25-Դ ՏԱՐԵՂԱՐԹԻՆ ՆԿԻՐԿԱՆ ՑՈՒՑԱՐԱՆԴԵՍԻՆ

Հայաստանի Հանրապետության անկախության 25-րդ տարեդարձին նվիրված միջոցառումների շրջանակներում, Չինաստանում ՀՀ դեսպանատան նախաձեռնությամբ Պեկինի Չինթայի արվեստի թանգարանում տեղի ունեցավ տաղանդավոր նկարիչներ Սեւադա Գրիգորյանի և Ալեքսանդր Դերոյանի աշխատանքների ցուցահանդեսը:



Սևադա Գրիգորյանը հայ նկարիչ է, որը 2014թ.-ից ապրում և ստեղծագործում է Չինաստանում՝ «ԴոնգԴոնգ և ԼուԼու» ստեղծագործական տան արվեստագետների ծրագրի շրջանակներում: Այս ժամանակահատվածում Գրիգորյանը ստեղծել է տասնյակ գործեր, որոնք ներկայացվել են Չինաստանի տարբեր քաղաքներում: Նրա ստեղծագործությունները ներկայացվել են Նինգբոյում, Չանքշայում, Ծյաշայում, Շանհայում և այլուր: Առանձնահատուկ էր Չոնշանի երկրորդ ամենամյա միջազգային ցուցահանդեսը, որտեղ Սևադա Գրիգորյանը ներկայացրեց Հայաստանի իր տասը ստեղծագործություններով: 2016թ. մայիսի 28-ին Նանջինգում տեղի ունեցավ նկարչի անհատական ցուցահանդեսը՝ «Դեպի լույս» խորագրով: Սևադա Գրիգորյանի նկարներն առանձնանում են յուրահատուկ գունեղ մանրանկարչությամբ, նրանց հիմքում այնպիսի հզոր գաղափարներ են, ինչպիսիք են՝ ընտանիքը, սերն ու խաղաղությունը:



Հայ պրոֆեսիոնալ նկարիչ-դիզայներ Ալեքսանդր Դերոյանը այժմ աշխատում է Չինաստանում: Նա ավարտել է Երեւանի գեղարվեստի պետական ակադեմիան՝ նկարիչ-դիզայներ մասնագիտությամբ: Ալեքսանդր Դերոյանը ՀՀ նկարիչների, ինչպես նաև՝ դիզայներների միությունների անդամ է: Փորձառու նկարիչը ստեղծում է յուրահատուկ արվեստի գործեր՝ համակցելով գույները, երանգները և սիմվոլիկան: Նրա բնանկարները, դիմանկարները և արքայապետ արվեստի գործերը դիտողին հնարավորություն են ընձեռում Նորովի ընկալել մեզ շրջապատող առարկաները: Ալեքսանդր Դերոյանի ստեղծագործությունները ցուցադրվել են Հայաստանի, Ռուսաստանի, Սիրիայի, Կիպրոսի տարբեր պատկերասրահներում, ինչպես նաև ակադեմիաներում:

ՉԻՆԱՅԱՅԻ ԱՆԴԱՄՆԵՐԸ

Չինաստանը յուրահատուկ երկիր է իր հինավուրց պատմությամբ և հարուստ մշակույթով: Հայերին Չինաստան են բերել տարբեր հետաքրքրություններն ու պատմությունները, սակայն նրանց միավորում է Հայկական համայնքն ու սերը դեպի հայրենիքը: ՉինաՀայի բոլոր անդամները միասին աշխատում են, որպեսզի պահպանեն հայկական ավանդույթները, լեզուն և ներկայացնեն հայկական մշակույթը: «ՉինաՀայ» լրագիրը գրուցել է ՉինաՀայի անդամների հետ, որոնք ներկայացրել են իրենց պատկերացումները Չինաստանի և ՉինաՀայի մասին:

Ի՞նչ է նշանակում ապրել Չինաստանում: Ինչպիսի՞ դժվարությունների են բախվում հայերն այստեղ ապրելով, և ինչպե՞ս է Չինաստանի հայկական համայնքն օգնում դրանք հաղթահարել: ՉինաՀայերը նաև անդրադարձել են համայնքի կողմից կազմակերպվող դրամահավաքների կարևորությանը:



Մեգի Մելքոնյանը Չինաստանի Հայկական համայնքի գործադիր մարմնի անդամ է: Նա մեծ ավանդ ունի ՉինաՀայի կազմավորման գործում: Նա պարբերաբար մասնակցում է ՉինաՀայի մի շարք միջոցառումների կազմակերպմանը:

Ինչպե՞ս և ե՞րբ եկաք Չինաստան: Ինչպիսի՞ն է Չինաստանը Ձեր ընկալմամբ, ինչպիսի՞ երկիր է այն:

2011թ.-ին ես և ամուսինս՝ Լևոնը, որոշեցինք գործի բերումով Ֆրանսիայից տեղափոխվել Չինաստան: Դա շատ բարդ, բայց միևնույն ժամանակ շատ հետաքրքիր որոշում էր: Դժվար է թողնել հարազատներին և այն ապրելակերպը, որին սովորել ես: Իր բարդություններով հանդերձ, այնուամենայնիվ, ոգևորիչ է եւ շատ տարբեր՝ նախկինում ունեցած փորձից: Չինաստանը հարուստ մշակույթ ունի, որի մասին մենք դեռ շատ բան ունենք սովորելու: Հինգ տարի է անցել, և ես երբեք չեմ զղջացել մեր այս որոշման համար:

Ո՞րն է Չինաստանում հայկական համայնքի կարևորությունը:

Դժվար ժամանակներ կային, երբ մենք մայրենի լեզվով խոսելու կարիք էինք զգում, կարիք կար հայրենակիցների հետ շփվելու: Սա հնարավոր դարձավ ՉինաՀայի հիմնադրմամբ: Մենք այլևս մենակ չէինք: Չինաստանի ամբողջ տարածքով մեր հայրենակիցները, որոնք աշխարհի տարբեր երկրներից էին եկել Չինաստան, այլևս միասին էին՝ կապված լինելով միմյանց հետ: Ահռելի աշխատանք է կատարվել յուրաքանչյուրի և ամեն մեկի մասնակցությամբ՝ տարածելու համար հայկական մշակույթը: Մեծ է նաև Չինաստանի հայկական ուսանողական միության ավանդը: Միությունը Չինաստանի տարբեր քաղաքներում պարբերաբար կազմակերպում է միջոցառումներ՝ ներկայացնելով հայ արվեստը, երաժշտությունը և նույնիսկ ավանդական խոհանոցը՝ այդպիսով կամուրջ կառուցելով Չինաստանի ու ՉինաՀայի միջև:

Ինչպե՞ս եք գնահատում ՉինաՀայի դրամահավաքները:

Բազմաթիվ են մեր համայնքի ձեռքբերումները, որոնց բազմիցս անդրադարձել են լրատվամիջոցները, եւ որոնք ներկայացվել են նաեւ մեր համայնքի «ՉինաՀայ» լրագրում: Կցանկանալի առանձնացնել տարբեր իրավիճակներում համայնքի անդամների կողմից դրամական աջակցություն ցուցաբերելու համար կազմակերպված միջոցառումները: Արցախում, ապրիլին վերսկսված պատերազմի օրերին համայնքը շատ մտահոգված էր ողջ աշխարհով սփռված այլ հայերի նման: Ջանքեր չխնայվեցին. Չինաստանի ողջ տարածքով համայնքի յուրաքանչյուր անդամ, յուրաքանչյուր ներկայացուցիչ մասնակցեց դրամահավաքին՝ Արցախին օժանդակություն ցուցաբերելու ցանկությամբ: Ուսանողները, գործարարները և ընտանիքները ձեռք-ձեռքի տված աշխատեցին դրամահավաքը իրականացնելու համար, որպեսզի օգնեն իրենց հայրենակիցներին: Արդյունքն աննախադեպ էր բոլորի համար:

Մենք, բնականաբար, շատ քիչ ենք այստեղ, սակայն նպատակալաց գործում ենք մեր համայնքը հնարավորինս հզորացնելու համար:

ՉԻՆԱՅԱՅԻ ԱՆԴԱՄՆԵՐԸ



Գոարա Գաբրիելյանը երգչուհի է Չայաստանից: Նա պարբերաբար Չինաստանում հանդես է գալիս համերգներով՝ ներկայացնելով Չայաստանը: «ՉինաՅայ» լրագրի ընթերցողների հետ Գոարան կկիսվի Չինաստանում ունեցած իր փորձով, ինչպես նաև կներկայացնի Չինաստանի Չայկական համայնքն իր ընկալմամբ:

Երեք տարի առաջ ես Չինաստան եկա «Չինարենի կամուրջ» միջազգային մրցույթի շրջանակներում: Չինաստանն ինձ համար բացահայտվեց որպես հզոր եւ հարուստ մշակույթով երկիր: Երբեմն ես մտածում եմ, որ բավականին դժվար է հասկանալ ու ապրել այս երկրում, որը տարբեր է Չայաստանից՝ իր մշակույթով, կենցաղով, սակայն միևնույն ժամանակ չեմ կարող չնշել, թե որքան բարի ու ընկերական են չինացիները, նույնիսկ ավելի, քան շատ այլ ազգեր:

Ինչ վերաբերում է Չինաստանում Չայկական համայնքին, այն կբնութագրեի որպես մի մեծ ընտանիք: Համայնքը մշտապես կազմակերպում է հավաքներ տոների կամ այլ առիթներով, և մենք՝ բոլորս միշտ շատ ուրախ ենք նորից միմյանց տեսնելու համար, նաև սիրով ողջունելու նորեկներին: Հենց այս հավաքներից մեկի ժամանակ էլ ես հանդիպեցի իմ սիրելիին: Մեր համայնքի առավելություններից եմ համարում այն, որ անդամները ցանկացած հարցով կարող են դիմել համայնքին, և բոլորը մեծ պատրաստակամությամբ աշխատում են օգտակար լինել: Սա իսկապես մի մեծ, ջերմ ու բարի ընտանիք է:



Մենք հաղորդակցության տարբեր հարթակներ ենք օգտագործում: Ինտերնետային «WeChat» խումբը դրանցից մեկն է, որտեղ մեր համայնքի խմբերում կարելի է ստանալ տարբեր հարցերի պատասխաններ ու ամենակարևորը՝ շատ արագ:

Հատուկ ուշադրության են արժանի նաև հայ ուսանողները: Նրանք բավականին կազմակերպված և ուժեղ երիտասարդներ են: Հայրենիքից այդքան հեռու լինելով եւ հանդիպելով բազում խնդիրների՝ մշակութային տարբերություններ, լեզվի, սննդի, մտածելակերպի և այլն, այնուամենայնիվ, նրանք կարողանում են հաղթահարել այդ խոչընդոտները և դեռ ավելին՝ լավագույնս ներկայացնում են Չայաստանը, մեր մշակույթը, սովորույթները և պատմությունը:

Վերջում կցանկանայի նշել, որ Չինաստանը մեծ հնարավորությունների երկիր է: Եթե ունես կամք և ցանկություն, այստեղ ամեն ինչ հնարավոր է: Նորեկներին խորհուրդ կտայի լինել համարձակ ու չվախենալ դժվարություններից: Չինաստանը հետաքրքիր կյանքի փորձ է խոստանում և բացի այդ՝ ՉինաՅայը միշտ այստեղ է ու պատրաստ սատարելու, աջակցելու մեր «ընտանիքի» նոր անդամներին:



ՉԻՆԱՐԱՅԻ ԱՆԴԱՄՆԵՐԸ



Աննա Յովհաննիսյանը հայ ուսանողուհի է Չինաստանում: Նա ՉինաՐայ համայնքի ակտիվ անդամներից է, բազմիցս մասնակցել է տարատեսակ միջոցառումների և դրամահավաքների կազմակերպմանը:

Ե՞րբ և ինչպե՞ս եկար Չինաստան:

Չորս տարի առաջ ես եկա Չինաստան: Այդ ժամանակ արդեն չինարեն էի սովորում Երևանի Կոնֆուցիոսի լեզվի կենտրոնում, և Չինաստան գալն իմ մեծ նպատակն էր: Հետագայում կրթաթոշակ ստացա կրթությունս այստեղ շարունակելու համար: Այն իմ՝ այս երկար ճանապարհորդության սկիզբը դարձավ, որը շարունակվում է ցայսօր:

Ինչպիսի՞ն են տեսնում Չինաստանը: Քո կարծիքով այն ինչպիսի՞ երկիր է:

Հնարավորությունների և հակասությունների երկիր... Չինաստանն ահռելի շուկա ունի, որը միայն վերջերս է իր դռները բացել արտասահմանցիների համար: Սա մասնագիտական առումով երազանքներն իրական դարձնելու իսկական վայր է: Չնայած կյանքի նորարարական և ժամանակակից մոտեցումներին, այն ավանդական երկիր է՝ հզոր մշակույթով և հինավուրց պատմությամբ: Այս հակասությունները արտացոլվում են մեր ապրելակերպի վրա:

Չինաստանի Հայկական համայնքի դերն ինչու՞մ է:

Միասնականության: Մեզանից շատերն ուսանողներ են՝ հեռու ընտանիքից, և այն հանգամանքը, որ գիտես՝ կա համայնք, որը կարող է միշտ քեզ օգնել և սատար կանգնել՝ թեթևացնելով կյանքիդ հոգսերը, շատ կարևոր է: Այդ ամենը փոխադարձ է. մենք ոչ միայն ստանում ենք, այլև ինքներս նույնպես տալիս ենք, և այդ ամենը միշտ արվում է սիրով: Մեր համայնքն այստեղ մեր ընտանիքն է:

Ինչպե՞ս կրթությամբ ՉինաՐայի՝ պարբերաբար կազմակերպվող դրամահավաքները:

Ես հպարտությամբ կարող եմ ասել, որ ինքս կազմակերպել եմ դրամահավաք և տեսել, թե որքան կազմակերպված ու գրասիրտ են մեր համայնքի անդամները: Կարծում եմ՝ դրամահավաքները կարևոր են, մասնավորապես՝ արտակարգ իրավիճակների պայմաններում, որոնց մենք ականատես եղանք: Կարիքի մեջ գտնվող անդամներին ֆինանսապես օժանդակություն ցուցաբերելը փոքրագույնն է, որ մենք կարող ենք անել:

Չինաստանում հայ ուսանողների միությունը ինչու՞ է առանձնահատուկ:

Ես համոզված եմ, որ միասնականությունն է, որ մեզ առանձնահատուկ է դարձնում: Մենք միշտ կապի մեջ ենք, մենք օգնում ենք իրար: Միայն մտածեք՝ Չինաստանի որ քաղաքն էլ գնաք, մենք գիտենք տեղի հայերին, միշտ կազմակերպում ենք տեղի հավաքներ: Մի՞թե հիանալի չէ:

Որո՞նք են Չինաստանում սովորելու առավելությունները:

Կարծում եմ՝ չինարենն ամենամեծ առավելությունն է: Այս լեզուն ամենակարևոր լեզուն է դառնում աշխարհում, ու չնայած ամենաբարդն է, այն յուրացնելը հիանալի ապագա է խոստանում: Ես կարծում եմ՝ անվտանգության հարցն էլ է կարևոր. այս երկիրը շատ ապահով է:

Ի՞նչ խորհուրդ կտաս նորեկներին:

Մնացեք ՉինաՐայի հետ: Մի նմանվեք այլ ազգերին և մի հեռացեք ձեր համերկրացիներից: Մենք պետք է միասնական լինենք: Չինաստանը սկզբում այլ մոլորակ է թվում, բայց ժամանակի ընթացքում կընտելանաք և կսիրեք այն: Այնպես որ՝ համբերություն:



ՉԻՆԱՅԱՅ-ՀԱՅ ԿՐԹԱԹՈՇԱԿ ՉԻՆԱՅԻ ՈՒՍԱՆՈՂՆԵՐԻ ՀԱՄԱՐ. ՀԱՂԹՈՂԸ ՀԱՅՏԱՐԱՐԿԱԾ Է



Պեկինի գրաֆիկական հաղորդակցության ինստիտուտի ուսանողուհի Չենչեն Վանգը 2016թ. աշնանը իր ուսումը կշարունակի ՀՀ-ում՝ Հայաստանի ամերիկյան համալսարանի «Քաղաքագիտություն և միջազգային հարաբերություններ» մասնագիտությամբ: Չենչենը ՉինաՀայի և Հայաստանի ամերիկյան համալսարանի կրթաթոշակի հայտարարված մրցույթի հաղթողն է: Անցած տարի Չինաստանի Հայկական համայնքը և Հայաստանի ամերիկյան համալսարանը ստորագրեցին «Համագործակցության հուշագիր», համաձայն որի՝ չինացի ուսանողներին կրթաթոշակ կտրամադրվի Հայաստանի ամերիկյան համալսարանում սովորելու համար:

Սա պատմական քայլ է հայ-չինական հարաբերությունների համար, քանի որ այն չինացի ուսանողներին հնարավորություն կընձեռի ուսանել Հայաստանում, որը նրանց համար միջոց է Հայաստանն ավելի լավ բացահայտելու: «Սա նաև երախտագիտության քայլ է Չինաստանին, որը անցած դարերի ընթացքում առատաձեռնորեն ու մեծահոգաբար է հյուրընկալել հայերին», - իր խոսքում հավելեց Չենի Արսլանյանը, որն այս ծրագրի նախաձեռնող է եղել: Բազմաթիվ հայ ուսանողներ միջկառավարական և միջազգային կրթական ծրագրերի շրջանակներում ուսանում են Չինաստանում, այս ծրագիրը նոր համագործակցության քայլ կլինի մեր ժողովուրդների միջև:

Չենչեն Վանգն իր հերթին շատ զգացված է և ուրախ, որ հաղթող է ճանաչվել այս մրցույթում: Նա հուզմունքով սպասում է իր՝ Հայաստան մեկնելուն, որտեղ կբացահայտի մեր ազգի հնագույն մշակույթն ու պատմությունը:

«ՉինաՀայ» լրագրին տված իր հարցազրույցում Չենչենը նշել է. «Ես շատ ուրախ ու շնորհակալ եմ ինձ ընձեռած հնարավորության համար: Շնորհակալությունս եմ հայտնում նաև Չինաստանի Հայկական համայնքին այս հնարավորության համար, ես շատ կաշխատեմ: Այս կրթաթոշակը մեծ աջակցություն է ինձ համար. այն ինձ հնարավորություն կտա կենտրոնանալ միայն կրթության վրա»:



Չենչենը հայերեն սկսել է սովորել Պեկինի օտար լեզուների համալսարանում, որտեղ Մերի Կնյազյանը դասավանդում է հայերեն՝ որպես երրորդ օտար լեզու: Խոսելով հայերենից՝ Չենչենը նշում է. «Հայերենը շատ հետաքրքիր լեզու է: Այն մի քիչ դժվար է, սակայն մեր ուսուցիչը միշտ ոգևորում է մեզ եւ ամեն ինչ անում, որպեսզի մեր դասերն ավելի հետաքրքիր ու ընկալելի լինեն»:

Իր սպասումների մասին խոսելիս Չենչենը նշում է, որ ակնկալում է նոր բացահայտումներ ու հնարավորություններ, հետաքրքիր կրթական միջավայր: Նա որոշել է շարունակել հայերենի դասերը, ինչպես նաև ավելին սովորել հայ ժողովրդի մշակույթի ու ավանդույթների մասին: Նա նաև նշում է. «Հուսով եմ՝ հնարավորություն կունենամ զբաղվել հայկական գորգագործությամբ, ինչպես նաև ուզում եմ տեսնել Արարատ լեռը»: Չինաստանի Հայկական համայնքը շնորհավորում է Չենչենին այս առիթով եւ մաղթում նրան մեծ ձեռքբերումներ:

ՉԻՆԱՀԱՅ ԼՐԱԳԻՐ #4



Չինաստանում հայ հետազոտողների և ուսանողների III-րդ առցանց գիտաժողով
2016թ. նոյեմբերի 27, Չինաստան

第三次在华亚美尼亚研究者和学生在线会议
2016年11月27日

The Third Online Conference of Armenian
Researchers and Students in China
China, 27 November 2016



NEWSLETTER # 3



Newsletter # 3

An Interview with the President of the Armenian Community of China, Mr. Henri Arslanian

The Armenian Community of China to Offer a Scholarship to Study at Armenia's AUA

Celebrations of Armenian Independence Day

Armenian Students' Union in China: Opportunities and Perspectives from Students' Viewpoints

ChinaHAY Commemorates Genocide Centennial

Nanjing: Armenians in China Commemorate Armenian Genocide Centennial, Show Solidarity with China's Nanjing Massacre

Shanghai: Armenian Cultural Evening Dedicated to the Remembrance of the Armenian Genocide

Beijing Andin: Armenian Journey Chronicles, an award-winning documentary by Ruben Gincy

ChinaHAY
The Armenian Community of China
Jack and Julie Maxian
Hong Kong Armenian Centre
11/F, Block A,
Tonic Industrial Centre,
26 Kai Cheung Road,
Kowloon Bay, Kowloon

Հասանելի է՝
www.chinahay.com

Հասանելի է՝
www.chinahay.com



www.chinahay.com

Jack and Julie Maxian Hong Kong Armenian Centre
11/F, Block A, Tonic Industrial Centre, 26 Kai Cheung Road, Kowloon Bay, Kowloon

Խմբագիր՝ Անահիտ Պարզյան



The Armenian Community of China
亚美尼亚人在华社团